



**Geistliche || Lieder vnd Psalmen/ der || alten  
Apostolischer recht vnd warglau=||biger Christlicher  
Kirchen/ so vor vnd nach der || Predigt/ auch bey der  
heiligen Communion/ vnd || sonst in dem haus ...**

**Leisentritt, Johann**

**Budissin, 1567**

**VD16 L 1061**

7. Von der Creutzwoch vnd Bittfart zeitten.

---

---

**Nutzungsbedingungen**

[urn:nbn:de:hbz:466:1-56508](https://nbn-resolving.org/urn:nbn:de:hbz:466:1-56508)

# Von der creutz woche vnterweisung.



**E**rlliche andechtige  
Lieder auff die woche Ro-  
gationum, Welche wir die  
Creutzwoche nennen vñ dar-  
in etliche bitarten oder Pro-  
cessiones (Besonder wo es  
Catholisch ist) anrichten vñ  
halten/also der gemein All-

glaubige recht Christlicher mensch/ vñ Catholische  
eingepfarte Kirchvnder / mit ernstlicher andech-  
tich pflegen der Processio zu volgen / Diese zeit vñ alle  
Bittarten / werden von der heiligen Allgemeinen  
Christlichen Kirchen zu gemeinem gebet / sonderlich  
geeigent / mit einem eingezogenem leben / einfeltigen  
kleidern / Vornemlich aber mit fasten vñ beten zu  
bracht / zur anzeigung eines bitfertigen lebens. Das  
wie wir alle gesündigtet / auch Gott vnsern HERRN  
heftig erzörnet. Also sollen wir alle sampt / Mann  
vñ Weib / Jung vñ alt / bey dieser vñ dergleichen  
Bittarten erscheinen / eintrechtlich zu Gott zu  
hen / vmb gnad vñ barmhertigkeit bitten.



Man list das Maritimus Keyser/ vnd An-  
tholius Patriarch/in öffentliche Litanien oder Bit-  
tarten barfuß gangen seind/aus demüt. Auch zur  
zeit Mauritiij Imperatoris/da die Sintflut in Ita-  
lien gewest / hat S. Gregorius auch die Bittsart  
angestalt vnd gehalten/wider die plage des schnel-  
len Todes/ Davon du magst lesen/ wie gar andech-  
tiglich es zugegangen/ Paul: Diaeo: Lib: 18. cap: 4.

Die Litanen vnd öffentliche anruffung Göttli-  
ches namens in ganzer samlung zu gleich/ wirstu  
auch finden im Treuco/ Lib: 2. cap. 57. vnd in Vit:  
Par: Par: 2.

Es ist warlich hefftigers demuts/ bittens vnd  
ruffens zu Gottes Allmechtigkeit / zu keiner zeit  
mehr von nöthen gewesen/dann ihunde / Nemlich  
zur zeit der hochbeträbten Christenheit / Dann es  
augenscheinlich vnd zu erbarmen / wie der Tärcke  
wider das Christliche klat Tyranniret / die welt  
von tag zu tag erger/frecher/vnd Gottloser wird/  
dann je vorhin gewesen.

Martinus Luther spricht selbst in seiner Haus-  
postill am ersten Sonntag des Aduents/ Diese pre-  
digt soll man billich mit grossen freuden hören vnd  
annehmen / sich daraus bessern vnd fromb werden/  
So keri sichs leider vmb vnd wird die Welt nur  
je lenger je erger/ Das ist der leidige Teuffel selbst/  
wie man sihet/das die leut ihunde geiziger/ vnzuch-  
tiger/ frecher/ vnd erger sind dann zuvor vnter dem  
Papsthum Hæc ille.




Gefangbuch Johan: Leisentrijs/

Zu dem entspringen in deutschem Land vielfeltige vnd erschreckliche Kegeren / dieselben was plagen / engstigen / vnd austilgen die Alte rechte Christliche Religion / Die neuen vielfeltigen außwärtliche Lerer wurzeln ein / mehren sich also / das man der Vatter mit dem Son / der Schwester mit dem Eydem / das Weib mit dem Manne / ein Bruder / ein Bürger / ein Nachbar mit dem andern / der discipulus mit seinem Praeceptore / Ja der Caplan mit seinem Pfarherr / keines weges im Glauben einrechtig sind / weder mit einander sich vergleichen / Vnd ist alles Götlichem Wort vnd der heiligen Euangelischen lehr zu wider / Dann in der Kirchen soll sein vnd ist / wie ein Gott / also auch ein Glauben / ein Tauff / ein willen / ein meinung / etc.

Darumb wollen wir vns halten an die heilige Allgemeine Christliche Kirche / bey derselben bis zum ende / auff das wir selig werden / Durch Gottes gnad bestendiglich vorbleiben / Solche gut werck umb etlicher böser personen willen / gar nicht nachlassen / sonder in dieser Bittfarth zeit / mit vnseren lieben Vorfahren singen / wie folget.

In der Creutzwoch. CXLVII


Ein schön köstlich Lied/  
darinne die Gebot Gottes  
begriffen sind.



Das sind die heiligen Zehn Gebot / die Gott



Gesangbuch Johan : Leisentrits /



der Herr vns gebe hat / vff das wir wissen seine



knecht / wie wir vor jm solln lebē recht / Kyrieleis.

**D**as sind die heiligen Zehn Gebot / die Gott der H E X vns geben hat / Vff das wir wissen seine knecht / wie wir vor ihm solln leben recht / Kyrieleis.

Du solt glauben in einen Gott / vff ihn dich lassen in der noth / Neben ihm han kein Götter mehr / vnd ihm allein thun Göttlich ehr / Kyrieleis.

Du solt den namen Gottes deins Herrn / mit nichten brauchen zu vnehren / auch nit vorgeblich vnd ohn not / Denn das ist jm ein grosser spot / Kyrieleis.



Den Sabbath soltu heiligen schon/dar  
an kein leiblich arbeit thon/ Sonder mit  
Gott bekümmern dich / vnd jm dienen  
ganz fleißiglich/ Kyrioleis.

Den Vatter vnd der Mutter dein/  
solst ehren vnd gehorsam sein / So wirst  
du langes leben han/ vnd wird dir Gott  
drumb geben lohn/ Kyrioleis/

Du solt nicht tödten wider recht/so du  
wilt sein des HErrn knecht/ Denn wer  
ohn recht mit dem Schwerdt sicht/ der  
wird damit billich gericht/ Kyrioleis.

Du solt mit stelen spricht dein Gott/  
als klerlich anzeigt sein Gebot / Deinen  
nechsten betriegen nicht/so entpfleuchstu  
Gottes gericht/ Kyrioleis.

Dein Ehe du gar nicht brechen solt/  
so du wilt haben Gottes huldt/ Dein le-  
ben halt auch keusch vnd rein/ so du wilt  
meiden Heltisch pein/ Kyrioleis.

Du solt wider den nechsten dein/ mit  
nicht ein falscher zeuge sein / Sonder so

Gesangbuch Johan: Leisentrits/

du je zeugen must / so sag die warheit dir  
bewust / Kyrioleis.

Du solt deins nechsten Ehzemahl/  
Nit begern in einigem fall / Wie das der  
Herr geboten hat / Las alzeit bey dir  
haben stadt / Kyrioleis.

Das letz Gebot dir sagen thut / Das  
du deins nechsten Hab vnd gut / Bege-  
ren solt in keiner zeit / Behüt vns du  
Herr Gott vor leidt / Kyrioleis.

Ach hilff vns lieber Herr Gott  
Das wir halten all dein Gebot / Denn  
wo dein gnad nit kompt zuorn / so sind  
wir all zumahl verlorn / Kyrioleis.

**Ein anders von den Ze-**  
hen geboten Gottes / 27. vorge-  
hender Melodey.





**G**OTT der HERR ein ewiger  
Gott/ Hat vns geben Zehen ge-  
bot/durch die handt des Moysi/  
hoch auff dem berge Sinay/ Kyrieleis.

Mensch/dis ist das erste Gebot/ Du  
solt glauben an einen Gott/ Sein Na-  
men zu aller stund/ nim nicht vnnütz in  
deinen Mundt/ Kyrieleison.

Das ander Gebot wil ich dir sage/  
Du solt feiern die heiligen tage/solt sie  
halten in stetiger hut/ so gibt dir Gott  
das zeitlich gut/ Kyrieleison.

Das drit Gebot wil ich dich lern/ Du  
solt Vatter vnd Mutter ehren / du solt  
daran verwaren dich/ So magstu leben  
ewiglich/ Kyrieleison.

Das vierdt Gebot soltu verstan/ Du  
solt niemandt zu tode schlan/ mit der  
handt nach mit dem Mund / so bleibstu  
an der Seele gesundt/ Kyrieleison.

Das fünfft Gebot ich dir befehle/ Du  
solt niemandt das seine stele/ du solt hirtzu



Gesangbuch Johan: Leisentrits/

nicht geben rath / sondern hätt dich vor  
solcher that / Kyrieleison.

Das sechst Gebot so ich da meinne / du  
solt leben keusch vnd reine / du solt in gan-  
gen ehren stan / so wirstu Gottes hulde  
han / Kyrieleison.

Das siebendt Gebot wolstu verstehe /  
Du solt halten die heilige Ehe / die von  
Gott geheiligt ist / in dem jrdischen Pa-  
radis / Kyrieleison.

Das acht Gebot das sage ich dir /  
eins andern Weibs allzeit entbier / Solt  
nicht begern eins andern Weib / so gibt  
dir Gott den ewig fried / Kyrieleison.

Das neunde Gebot nim auff dein  
trewe / du solt nicht sein ein falsch zeu-  
ge / solt keinem menschen liebekose / es sey  
das klein oder grosse / Kyrieleison.

Das zehendt Gebot ja fleissig halt  
feinen wucher du nemen solt / Du solt in  
arbeit nehren dich / so gibt dir Gott das  
Himmelreich / Kyrieleison.



In der Creutzwoch.

CL

Mensch/das sind die Zehen Gebot/  
die soltu halten bis in Todt/ Du solt  
vornemen diese lahr/ so kompstu an der  
Engel schar/ Kyrieleison.

### Das dritte Lied von den Zehen Geboten Gottes/in seinem alten Thon.

**M**ensch wiltu leben seliglich/vnd  
bey Gott bleiben ewiglich/ soltu  
halten die Zehen gebot/die dir  
gebeut vnser Gott/ Kyrieleison.

Ich bin allein dein Gott vnd Herr/  
kein Götter soltu haben mehr/ du solt  
mir gang vortrawen dich/von gangem  
herren lieben mich/ Kyrieleison.

Du solt nicht füren zu vnehrn / den  
namen Gottes deines Herrn/an straff  
der mensch nicht bleiben wird/der seinen  
nam vnüglich fürt/ Kyrieleison.

W O R T  
G O T T  
L E N D  
E R

Gesangbuch Johan: Leifentrits/

Den Sabbath halt in heiligkeit/ vnd  
nit allein in müßigkeit/ Gottes ehr vnd  
deiner Seelen heil/ Betracht es ist dein  
bester theil/ Kyrieleison.

Dem Vatter vnd der Mutter dein  
Soltu nach mir gehorsam sein/ so wir-  
stu langes leben han / da soltu gar nit  
zweifeln an/ Kyrieleison.

Du solt nicht tödtn nach zornig sein/  
auch hassen nicht den negsten dein / ge-  
dult haben vnd sanfften mut / vnd auch  
dem feinde thun das gut/ Kyrieleison.

Dein Ehe soltu bewaren rein / das  
auch dein hertz kein andre mein / vnd  
meiden all vnreinigkeit/ dann Gott liebt  
zucht vnd messigkeit/ Kyrieleison.

Du solt nicht stelen Geld noch gut  
nit wuchern jemens schweis noch blut  
den armen im Land hülflich sein/ so wir-  
sich Gott erbarmen dein/ Kyrieleison.

Du solt kein falscher zeuge sein / nicht  
liegen auff den negsten dein / sein vn-  
schult



In der Creutzwoch.

CLI

solt auch redten du / Vnd seine schanden decken zu / Kyrieleison.

Du solt deins nechsten Weib noch haus / Begeren nicht / noch etwas draus / Du solt jm wunschen alles gut / Wie dir dann dein herz selber thut / Kyrieleison.

Diese Gebot vns geben sein / Das du v mensch die sünden dein / Daraus lernest erkennen wol / vnd wie man vor Gott recht leb'n sol / Kyrieleison.

Darzu hilf vns Herr Jesu Christ / der du aller welt Heilandt bist / Das wir durch hilf der gnaden dein / Dir bis ins endt gehorsam sein / Kyrieleison.

### Ein Geistlich Bietliedt

wann man mit der Procession aus der Kirchen gehet / auch sonst zu singen auff die vorgehende Melodey / das seind die heiligen Zehen Gebot /

folio 147.



**I**n Gottes namen fahren wir/  
seiner gnaden begeren wir/ Vor-  
leith vns die aus gütigkeit/ O hei-  
lige Dreyfaltigkeit/ Kyrieleison.

In Gottes namen fahren wir/ zu  
Gott dem Vatter schreien wir/ Behüt  
vns Herr vorm ewign Todt/ vnd thu  
vns hülf in vnser noth/ Kyrieleison.

In Gottes namen fahren wir/ zu  
vnserm Heilande ruffen wir/ Das er  
vns durch die marter sein/machen wolte  
von sünden rein/ Kyrieleison.

In Gottes namen fahren wir/ vom  
heiligen Geist begeren wir/ Das er wolte  
erleuchten vns/ durch die rechten Gött-  
lichen kunst/ Kyrieleison.

In Gottes namen fahren wir/ Ma-  
ria zu dir kommen wir/ Dein vorbitt  
wolst mittheilen vns/ vnd erlangen die  
gnad deins Sons/ Kyrieleison.

In Gottes namen fahren wir/  
Alle Heiligen bitten wir/ Das sie



Gefangbuch Johan : Leisentrits/

durch Christum vnsern HErrn / Des  
Vatters huld vor vns begern / Kyrie.

In Gottes namen fahren wir / In  
dich allein Herr glauben wir / Behüt vor  
des Teuffels list / Der vns allzeit nach-  
stellen ist / Kyrieleison.

In Gottes namen fahren wir / Auf  
dein tröstung HErr hoffen wir / gib vns  
frieden in dieser zeit / Wend von vns  
alles herzen leidet / Kyrieleison.

In Gottes namen fahren wir / Sei-  
ner vorheischung warten wir / die frucht  
der Erden vns bewar / Von dem wir le-  
ben das ganz Jar / Kyrieleison.

In Gottes namen fahren wir / Kein  
helffer ohn ihn wissen wir / vor Pestilens  
vnd hungers noth / Behüt vns lieber  
HErrre Gott / Kyrieleison.

In Gottes namen fahren wir / Allzeit  
dir HErr vertrauen wir / Mach rein  
dein kirch von falscher lehr / Vnd vnser  
herr zur warheit lehr / Kyrieleison.





In Gottes namen faren wir / wel-  
chen allein anbeten wir / Vor allem vbel  
vns bewar / Herr hilff vns an der Engel  
schar Kyrieleison.

### Ein anders.

In Gottes namen fahren wir / sei-  
ner gnaden begeren mehr / Du  
hilff vns allen Gottes krafft / ver-  
sey vns alzeit grosse macht Kyrieleison.

Vnd das heilige Creuz / werd vns  
allzeit nütze das Creuz / Da Gott seine  
Marter an leit / dasselbige sey vnser  
freud Kyrieleison.

Auch das heilige Grab / Da Gott  
selbst inne lag / Mit seinen fünff wunden  
so here / Frölich fahren wir daher / gen  
Jerusalem Kyrieleison.

Kyrie Eleison / Christe Eleison / Du  
helfe vns der heilig Geist / vnd die wer-  
de Gottes stim / das wir frölich fahren  
dohin Kyrieleison.



Gesangbuch Johan: Leisentrits/


# Ein Geistlich Lied dorin ne der Christliche glauben begrieffen.




Ich glaub in Gott den Vater mein / Schöpffer



Himels vnd der erden / der vnser Vater stet




wil sein / das wir seine Erben werde / Allmecht




ig ist sein Göttlich handt / alle ding sein sin auch





bekant/Er forget vor uns vnd regirt/was lufft



wasser vnd erd gebirt/on in auch gar nichts ge-



schicht/was er nie hest wird bald in nicht.

**I**ch glaub in Gott den Vater  
mein/Schöpffer Himmels vnd der  
Erden/Der vnser Vater stet wil  
sein / das wir seine Erben werden / All-  
mechtig ist sein Göttlich hand / Alle  
ding seindt ihm auch bekant / Er



Gefangbuch Johan. Leffentris/

forget für ons vnd regiert / was Luff  
Wasser vnd Erd gebirt / on ihnen auch  
gar nichts geschieht / was er nit helt / wird  
bald zu nicht.

Ich glaub an Herren Jesum Christum  
des Vaters ein gebornen Son / der vn-  
ser Gott vnd heyland ist / Vom heiligen  
Geist entpfangen schon / Aus Maria  
ist er geborn / Ein Jungfraw bleibet  
Ewiglich / Er hat versönt des Vaters  
zorn / vnd gelitten ganz williglich / Der  
Geißlung vnd Krönung marter / vnder  
Pilato dem Richter.

Ohn schuld ward er gecreuziget  
Auch getödtet vnd begraben / zur Hellen  
er absteigen thet / den Teuffel da zub-  
rauben / Auff stunde von den Todten  
frölich / am dritten tag zu rechter zeit  
Fuhr auff gen Himmel ganz herrlich / sum  
zur rechten ans Vaters seit / Wird zu  
vrtheiln widerkommen / Alle geschlecht  
bösz vnd frommen.

Ich bleub in GOTT denn heiligen  
Geist/ Auch eine Christliche gemein / die  
er zur warheit reist vnnnd weist / heilige  
gemeinschafft hat sie allein / bey jr bleibet  
er stetiglich/ Leret sie GOTTs recht erkent-  
nus/ Der sünden ablas auch gleub ich/  
vnd des Fleisches Aufferstendnus / dar-  
zu ein Ewiges Leben/ das woll vns Gott  
gnedig geben. **A M E N.**

### Ein Geistlich Lied des

Neuen Testaments in der Bittfart/  
auch sonst zu singen / auff die vor-  
gehende Melodey das sind  
die heiligen zehen gebott  
folio. 147.

**G**OTT ward an ein Creuze ge-  
schlan/ er hat doch nie kein vbel  
than/ Er leids vns gleubigen zu  
trost/ damitte hat er vns all erlost. **Kyrie.**

Gefangbuch Johan: Leisentrits/


O Herr durch deinen bitteren Todt  
hilff vns armen aus aller noth/ Las vns  
nicht zu letzt ersterben/ Bis vns dein Erb-  
gericht werde/ Kyrieleison.

O H E X A durch deine Namen  
drey/mache vns aller sündē frey/bescher  
vns auch ein guttes endt/ vnd ein fröliche  
Aufferstend Kyrieleison.

Das Aufer à nobis Domine  
Deutsch. Chorus.



Nim von vns HErr Gott / vnser sünd vnd




missethat / auff das wir mit rechtem glauben





vand reinem herzen/ in deinem dienst er-




finden werden.

Miserere etc. deutsch.



Erbarm dich/erbarm dich/erbarm dich/ deines



Volcks O Chriſte das du erlöſt haſt/ mit dei-



nem reiprenwarem blute.



Gefangbuch Johan: Leisentrits/  
Exaudi.



Erhöre / erhöre / erhöre vnser bit Got




Vater Schöpffer aller ding / hilff vns vnd sey



vns gnedig.

Chorus, Erbarm dich 2<sup>e</sup>. wie oben.



Erhöre / erhöre / erhöre vnser bit



O Christe der welt heiland / hilff vns vnd sey





uns gnedig.

Chorus, Erbarm dich / 2<sup>e</sup>.

Erhöre / erhöre / erhöre vnser bitt

heiliger Geist du ewiger Troster erleucht' vns

und sey vns gnedig.


Viuo ego deutsch. Chorus.

Als war ich lebe spricht der Herre, wil ich nicht





den Tod des sünders/Sondern das er sich be-



tere vnd lebe

NOTA.

Das Contere deutsch findestu hirnach von der  
Christlichen Kirch / welches man gleicher gestalt  
gebrauchen kan / vornemlich aber zur zeit der plag  
vnd straff Gottes / soll der alde Lateinische gesang  
so hirnach folget / teglich mit andacht zu singen vnd  
unterlassen werden.



Quiescat ira tua Domine Deus




nostr & esto placabilis su





per nequitias populi tui Quia iurast



ti per temetipsum, sancte Deus sancte fortis, san



cte & immortalis miserere nobis.

NOTA.

Hierauff soll der vorgehende gesang / gar widerumb  
erholet / repetirt / vnd damit ( doch nach gelegenheit  
der Christen andacht ) beschloffen werden / So vtel  
aber die Litaneen belangt / weil dorinnen von vorbit  
der heiligen gehandelt wird / wirstu dieselben in dem  
andern theil der gesenge finden / Wo dir dieselben nit  
gelegen kanst vnd magstu mit hirnach folgendem ge-  
sang volltömlich beschliessen.



Gesangbuch Johan: Leisentritt/

## Ein schöner Geistlicher

gesang von der vereinigung der Allerhöchsten barmherzigkeit mit aller tiefster dürfftigkeit in Christo Jesu/mag gesungen werden / auff die weis/ weil

Gott trew vnd warhafftig

2c. Oben folio.

162.

**D**IE aller höchst barmherzigkeit / die ewiglichen bleibet / mit aller tiefsten dürfftigkeit / in Christo ist vorleibet / Drumb soll ein Christ in angst vnd noth / In keine wege vorzagen / Den Christus warer Mensch vnd Gott / hat vns mit im vertragen.

Das ist der aller höchste trost / Der Christenheit auff Erden / das sie durch seine krafft erlost / im nicht entwand mag werde / so jemand bawt auff diesen grund im lieb thetigen glauben / den mag der feind zu keiner stund / der seligkeit berauben.